

## **Dušanka Majkić**

Pitanja postavljena Ministarstvu/ministru odbrane BiH – „Dana 22.4.2012. na poligonu „Odlučna Barbara“ u Glamoču poginuo je 22-godišnji mladić od ostataka neeksplozivnog projektila koji je nađen na poligonu. Naknadnom istragom utvrđeno je da je mladić poginuo 600 metara od fugase, kao i to da poligon nisu osigurale Oružane snage BiH. Rodbina poginulog mladića tvrdi da je nakon završene detonacije, kojom se uništavaju municija i minsko-eksplozivna sredstva, na poligonu nađeno razbacano 130 neeksplozivnih projektila, koje niko nije osiguravao.

Također, u julu 2011.godine na istoj lokaciji dogodio se incident: s poligona je doletio projektil do mjesta na kojem je čovjek napasao ovce. Tom prilikom konstatirano je da je projektil doletio 5 km od mjesta detonacije.

Prema napisima iz medija, mnogi sakupljači sekundarnih sirovina špartaju poligonom „Odlučna Barbara“ u pokušaju da poprave svoje kućne budžete, što je rezultiralo povredama tih lica.

Molim ministra odbrane da mi odgovori na sljedeća pitanja:

1. Da li je završen Izvještaj o obavljenoj istrazi u navedenom slučaju i kakvi su ti rezultati?
2. Zašto poligon „Odlučna Barbara“ nije osiguran na odgovarajući način, čime bi se izbjeglo stradanje lokalnog stanovništva u Glamoču?
3. U čijoj zoni odgovornosti se nalazi navedeni poligon i šta su preduzeli ministar odbrane BiH i Zajednički štab da se navedeni slučajevi više ne ponove?
4. Koje mjere su preduzete protiv odgovornih lica?“